



TOSHKENT DAVLAT YURIDIK UNIVERSITETI REKTORINING B U Y R U G ' I

07.06.2023

350-tm-son

Talabalar safidan chetlashtirish to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-sonli Farmonining 2-bandida zamonaviy talablar, ilg'or xalqaro yuridik tajriba va mehnat bozori ehtiyojlari asosida yuqori malakali, ijodiy fikrlaydigan, halol kadrlar tayyorlashni ta'minlash yuridik ta'lim va fanni yanada rivojlantirishning ustuvor yo'nalishlaridan biri etib belgilangan.

Bu borada bugungi kunda universitetda kompleks chora-tadbirlar olib borilayotganligiga qaramasdan, ayrim talabalar tomonidan universitetning odo-axloq kodeksini buzish holatlari kuzatilmoqda.

Jumladan, Xususiy huquq fakulteti 4-kurs "A" potok 2-guruh talabasi Turobov Asadbek Doniyor o'g'li o'zganing mulkini firibgarlik yo'li bilan qo'lga kiritib, moddiy manfaatdor bo'lish maqsadida 2022-yil 5-dekabr kuni Jizzax viloyati Jizzax shahrida internetda tanishgan tanishi fuqaro S.Gafurovaning AQSH davlatida yashab kelayotgan tanishi U.Ergashevning onasi S.Ismoilovanning AQSHda yo'qotgan fuqarolik pasportini tiklab berishini aytadi. O'zini Bosh prokuraturada ishlayotganligini, yo'qolgan pasportni Bosh prokuraturada ishlovchi boshlig'i orqali hal qilib berishligini aytib fuqaro S.Gafurovadan hamda U.Ergashevning ukasi Sh.Ergashevlardan aldov yo'li bilan katta miqdordagi pul mablag'larini olgan. Bu pullar masalani hal qilishga yetarli emas degan bahona bilan navbatdagi miqdordagi pul mablag'larini ulardan olayotgan paytda Jizzax viloyati Iqtisodiy jinoyatlarga qarshi kurashish departamenti hamda Jizzax viloyati DXX xodimlari tomonidan ushlangan.

Ushbu qilmishlari uchun, A.Turobov Jinoyat ishlari bo'yicha Jizzax shahar sudining 2023-yil 14-apreldagi hukmiga ko'ra O'zbekiston Respublikasi Jinoyat Kodeksi 25, 168-moddasi 1-qismi va 28, 211-moddasi 1-qismi bilan aybdor deb topilib, unga nisbatan O'zbekiston Respublikasi Jinoyat Kodeksining 59,61-moddalariga asosan 3 yil 6 oy muddatga ozodlikni cheklash jazosi tayinlangan.

Talaba mazkur harakati bilan Toshkent davlat yuridik universiteti Odob-axloq kodeksining 8-moddasi 1- xatboshisi (universitet xodim, talaba va doktorantlari o'z xizmat va o'qish faoliyatlarini amalga oshirishda adolatli, halol va xolis bo'lishlari), 10-moddasi 1-xatboshisi (universitet xodim, talaba va doktorantlari korrupsiyaning har qanday shakli va ko'rinishini qabul qilmaydilar va uning biron-bir tarzda namoyon bo'lishiga qarshi hamjihatlikda qonuniy choralarni ko'radilar, 2-xatboshisi (xodim, talaba va doktorantlar korrupsiyaga qarshi kurashishlari va uning profilaktikasiga faol ko'maklashishlari, shuningdek universitet korrupsiyaga qarshi kurashish Dasturi va Toshkent davlat yuridik universiteti xodim, talaba, o'qituvchi va doktorantlari tomonidan korrupsiyaviy huquqbuzarliklar sodir etishga og'dirish maqsadida murojaat qilish holatlari haqida xabardor qilish to'g'risida Nizom talabalarini so'zsiz bajarishlari, o'z faoliyatlarini oshkora va adolatli amalga oshirishlari, yuqori axloqiy qadriyatlar va prinsiplarga sodiq qolgan holda qonun ustuvorligiga qat'iy rioya etishlari shart), 14-moddasi 2-xatboshisi (o'z harakatlarini Universitet manfaatlarini ko'zlab amalga oshirish, uning imidjini saqlash va oshirish, Universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik), 16-moddasi 2-xatboshisi (har qanday huquqbuzarlik yoki jinoyat sodir etish), 26-moddasi 8-xatboshisi (universitet obro'-e'tibori va nufuziga dog'tushiradigan har qanday harakatlarni sodir etishdan o'zini tiyishga), 15-xatboshisi (universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslikka) 26-moddasi 33-xatboshisida (ish (o'qish)dan tashqari vaqtda umumiy qabul qilingan odob-axloq normalariga rioya etishlari, g'ayriijtimoiy xatti-harakatlarga yo'l qo'ymaslikka majbur) keltirilgan talablarni buzgan.

O'zbekiston Respublikasi Vazirlar Mahkamasining 2017-yil 20-iyundagi 393-sonli qarori bilan tasdiqlangan Oliy ta'lim muassasalari talabalari o'qishini ko'chirish, qayta tiklash va o'qishdan chetlashtirish tartibi to'g'risidagi nizom 36-bandi "g" kichik bandi, O'zbekiston Respublikasi Vazirlar Mahkamasining 2017-yil 20-iyundagi 359-sonli qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom 43-bandi to'rtinchi xatboshisi, shuningdek Toshkent davlat yuridik universiteti ichki tartib qoidalarining (ichki mehnat tartibi qoidalari) 84-bandi "g" kichik bandiga asosan, shuningdek fakultet dekani B.Musayevning bildirgisiga muvofiq

BUYURAMAN:

1. Universitetning Xususiy huquq fakulteti 4-kurs A potok 2-guruh talabasi Turobov Asadbek Doniyor o'g'li Toshkent davlat yuridik universiteti Odob-axloq kodeksining 8-moddasi birinchi xatboshisi, 10-moddasi 1 va 2-xatboshilari, 14-moddasi 2-xatboshisi, 16-modda 2-xatboshisi hamda 26-moddasi 8,15 va 33-xatboshilarida keltirilgan qoidalarni buzgan deb hisoblansin.

2. Talaba Turobov Asadbek Doniyor o'g'li o'z harakatlari bilan TDYU ichki tartib-qoidalari hamda odob-axloq qoidalarini buzganligi uchun hamda qonunga xilof harakatlarni sodir etganligi sababli talabalar safidan chetlashtirilsin.

3. Xususiy huquq fakulteti dekani B.Musayev talabalar safidan chetlashtirilgan A.Turobov shaxsiy yig'ma jildiga buyruq nusxasi tikilishini ta'minlasin.

4. Mazkur buyruq ijrosini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV



Kelishildi:

Boshqarma boshlig'i

S.BOZAROV



Bosh buxgalter

M.PARPIYEV



Bo'lim boshlig'i

I.RO'ZIBAYEV



Katta yuriskonsult

A.TURSUNOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV

